



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiae Romanæ

Plettenberg, Hunold

Hildesii, 1693

Cap. XXXIII. De Congregatione Cardinalium pro universitate Studii Romani.

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

CAPUT XXXIII.

De Congregatione Cardinalium pro Universitate Studii Romani.

1. A quibus Pontificibus institutæ sint Romæ diversæ facultates scientiarum.
2. Sixtus V. præfecit Universitati congregationem, quod sit ejus officium.
3. Curam habet aliquorum Alumnorum in urbe & nonnullarum Universitatum.
4. Antiquata hac Congregatione curam Studii publici nunc habet Camerarius.

•I

INstituit jam olim Romæ studium juris Canonici & Civilis Innocentius IV, ut habetur *in cap. 2. de Privilegiis in 6.* Lectoresque linguæ Hebraicæ, Arabicæ & Chaldaicæ Clemens V, ut est *in Clem. 1. de Magist.* atque etiam Generale studium cum Privilegiis pro Doctoribus & Scholaribus Bonifacius VIII. *Const. 9. In summe Anno 1303.* cujus studii Regimen & facultas creandi Doctores Juris Canonici & civilis concessa est deinde Collegio Advo-

Advocatorum Consistorialium per Constitutionem 62. *Sixti V. Sacri.* & promovendi ad gradus Philosophiæ & Medicinæ Collegio Medicorum Physicorum Urbis ex Constitutione 20. Julii III. *Meritis.* Lessionem vero Theologiæ generaliter haberi decrevit Concilium Trident. *sess. s. c. 1.* & novissimè addidit Cathedram Rhetoricæ cum annuæ provisionis assignatione, nec non Privilegiorum & indultorum, quibus alii Cathedratici dicti Gymnasii gaudent communicatione. *Urbanus VIII. in Const. 83. Militantis.*

2. Ut ergo Romanum hoc Gymnasium, & Universitatem ornaret magis & amplificaret, ejusque rationibus quam optime consuleret Sixtus V. instituit Congregationem quinque Cardinalium, quam dicto Gymnasio & Universitati, illiusque reformationi præfecit; Ideoque facultatem illi concessit, ut, cum opus fuerit præclaros Theologiæ Magistros, JurisConsultos egregios, & liberalium artium Professores eximios undecunque ad juventutem erudiendam evocet, eisque pro meritorum ratione, re tamen cum Pontifice collatâ stipendium constituat.

3. Curam etiam habere debet Alumnorum

mnorum, qui in Collegio Græcorum, Maronitarum, & Neophytorum in sacra Theologia, artibusque liberalibus Hebraicè, Græcè, Arabicè, & Chaldaicè instituuntur, ut ad ea studia ardentiore animo complectenda excitentur. Cum Sedes Apostolica in tutelam & clientelam receperit Universitates Parisiensem, Oxoniensem, Bononiensem, & Salamantinam, imponitur quoque huic Congregationi, ut earundem Universitatum atque ad eas pertinentium negotiorum apud Sanctam Sedem curam gerat, illarumque necessitates Pontifici exponat, ut auxilium iis afferre possit, easque per literas interdum visitare tenetur *Sixtus V. l. c.*

4. Verum hæc Congregatio teste Cardinale de Luca *Rel. Rom. Cur. disc. 27.* antiquata modo, nec amplius est in usu, sed Præfecturam Gymnasii seu Studii publici in Urbe habet Camerarius sub cura & administratione Collegii Consistorialium, qui facultatem habent conferendi in utroque Jure lauream Doctoratus, Præsidente nomine Camerariæ Prælato aliquo, qui ab eodè constituitur, & ut plurimum esse solet Auditor rotæ.

CAPUT

CAPUT XXXIV.

De Congregatione pro Libertate Annonæ Status Ecclesiastici.

1. *Quem in finem Sixtus V. hanc Congregationem erexerit.*
2. *Assignavit pro Annona comparanda 200000. Scutorum.*
3. *Qui spectent ad hanc Congregationem. Depositaris sine mandato Præfecti exponere nil potest.*
4. *Nunc tota ferè Annonæ cura relinquitur Præfecto, qui eligitur à Pontifice.*
5. *Officium illius & facultas.*
6. *Prohibitio non asportandi Annonam quos non comprehendat.*
7. *Quos adjutores & ministros habeat Præfectus.*

I.

Rexit Sixtus V. *Constit. 74. Immensa* Congregationem Cardinalium, quæ curet non solum in Urbe, sed in universo etiam Statu Ecclesiastico temporaria copiam frumenti aliarumque frugum

B bb

ad